



Ақмешіт

2 қараша
сенбі
№87 (2097)
2024 жыл

Жер бетіндегі жеті миллиардтан астам адам үшін экологиялық, ғаламдық мәселенің бірі – қалдық. Оның түрі мен қоршаған ортаға қауіпін қаншалықты маңызды болса, уақытында газартып, жойып отыру да кезек күттірмейтін жұмыс. Дүниежүзілік банктің есебінше, 2050 жылға қарай әлемдегі тұрмыстық қалдықтың көлемі 3,4 млрд тоннаға жетеді. Бұл келешекте Жер планетасының үлкен қоқыс полигонына айналатынын білдіреді. Елдегі қоқыс полигондарының жағдайы қалай? Әлем елдерінің тәжірибесіне сүйенсек, қалдықтан құтылу үшін қандай шаралар қолданылуда?

Газет
1994 жылдың 15 сәуірінен
бастап шығады

• Қалалық қоғамдық-саяси әлеуметтік-ақпараттық тарихи-танымдық газет •
E-mail: akmeshit.kz@mail.ru

апталығы

ҚАЛДЫҚСЫЗ ҚАЛА НЕМЕСЕ ӘЛЕМ НАЗАР АУДАРҒАН МӘСЕЛЕ



БІР ҚОҚЫСТЫҢ ТАҒДЫРЫ

Сарапшылар қалдықтарды пайда болуына қарай тұрмыстық, өнеркәсіптік, ауылшаруашылық, радиоактивті деп бөліп қарастырады. Тұрмыстық қатты қалдықтардың құрамына тағам қалдықтары, қағаз, металл сынықтары, резеңке, шыны, ағаш, мата, пластикалық және синтетикалық қалдықтар кіреді. Атмосфералық тұнбалар, коқыстардың өрт салдарынан еруі тұрмыстық қатты қалдықтар полигондарында физика-химиялық және биохимиялық үрдістердің жүруіне әсерін тигізеді. Яғни қалдықтарды сақтағанда сұйық, қатты және газ тәрізді көптеген улы химикат пайда болады. Бұл биосфераға және адамзат өміріне үлкен қауіп төндіреді, коқыстардың қоршаған ортаға биогендік әсерінің нәтижесінде жәндіктер, құстар, кеміргіштер арқылы бактериялар

мен вирустар үлкен қашықтыққа тарайды. Сондай-ақ мамандардың айтуынша, сұйық өнеркәсіптік және тұрмыстық қалдықтар топырақ және өсімдік қабатын, жерасты суларын улы заттармен жоғары деңгейде концентриялайды.

Қоқыстың сақталу ұзақтығы бірнеше жүз жылға дейін баратынын атап өттік. Соның ішінде газет, картон қағаздар – 3 ай, ағаш тақтайшалар, аяқкиімдер мен банкәлдер – 10 жыл, темір бөлшектер – 20 жыл, сағыз – 30 жыл, автомобиль батареялары – 100 жыл, полиэтилен пакеттері – 100-200 жыл, пластикалық бөтелкелер – 200 жыл, балаларға арналған бір реттік жаялықтар – 300-500 жыл, шыныдан жасалған бұйымдар – 1000 жылдан астам уақытқа дейін шірмей, жата береді. Олар ұзақ сақталған сайын ауаға сіңіп, өздері байқамаса да, адамдарда, әсіресе, әйелдер мен балаларда түрлі ауру тудырады.

4-БЕТТЕ

Өткен жылдың қорытындысы бойынша ЖІӨ құрылымындағы машина жасау үлесі 1,9%-ға жеткен. Елде Өндіріс көлемі артып, инвестиция тартуда оң серпін байқалады. Биылғы 9 айда қазақстандық жобаларға шамамен 108,2 млрд теңге бөлінген, бұл өткен жылмен салыстырғанда 2,2 есеге артық. Үкімет отырысында Премьер-министр Олжас Бектенов экономиканы әртарапандыру мақсатында отандық машина жасау өндірісін дамыта түсіп, салаға жаңа технологияларды енгізу қажеттігін айтты.



ЭКОНОМИКАЛЫҚ ПАТРИОТИЗМ: ӨЗГЕНІ ЕМЕС, ӨЗІМІЗДІ ҚОЛДАУ

Саладағы өзекті мәселелердің бірі – жабдықты жаңғырту. Үкімет басшысы машина жасауда техниканың тозуы 40%-ға жуықтайтынын атап өтті. Тек теміржол саласында 2030 жылға дейін елімізде тозығы жеткен 800-ден астам жолаушылар вагоны пайдалануға жарамайды. Қазақстанның өнеркәсіптік инвесторлар одағы дерегіне сүйенсек, ауыл шаруашылығы техникасының 76%-ы жаңартуды қажет етеді.

– Мемлекет басшысы экономиканы әртарапандыру ісінің негізгі өзегі – индустрияландыру екенін атап көрсетті. Өңдеу секторын, бірінші кезекте машина жасау саласын серпінді дамыту өзімізді экономикалық жағынан толық қамтамасыз

ете алатын жағдайға жетуде қозғаушы күш болуы қажет. Мемлекет отандық өндірушілерді белсенді қолдайды. Біздің алдымызда локализациялау үлесі жоғары өндіріс циклін құру міндеті тұр. Бұл ретте, жұмыс тиімділігін арттыру үшін өндірісті дегер кезінде жаңғыртып отыру маңызды», – деді Премьер-министр.

Өндірісті роботтандыру мен автоматтандырудың жаһандық үрдістеріне сәйкес кәсіпорындарда цифрлық технологияларды енгізу қажеттілігі атап өтілді.

Бүгінде автомобиль өнеркәсібінде кластерлік өндірісті қалыптастыру бойынша жұмыс жүргізілуде. Бұл тәсіл еншілес салалардың дамуын ынталандырады, бүкіл сектор үшін

жаңа мүмкіндіктер мен перспективалар ашады.

– Біздің зауыттар әлемдік стандарттарға сай келетін өнімдер шығара алады. Отандық аккумуляторлар, трансформаторлар мен кабельдер, локомотивтер, автомобильдер мен автобустар – осының айқын мысалы. Аталған өнімдер сыртқы нарыққа да шығып жатыр. Біз қай кезде де өзіміздің отандық өндірушілерді қолдаймыз. Бұл ретте экономикалық патриотизм басты қағидатқа айналуға тиіс. Біз қазақстандық өнімдерді сатып алып, сыртқы нарықтарда белсенді түрде дәріптеуіміз қажет, – деді Үкімет басшысы.

2-БЕТТЕ

ЖЕЗҚАЗҒАН ЖОЛЫ мүмкіндіктер тетігіне айнала ма?



Сұлу Сыр мен Улытауды жалғайтын жолдың жыры талай жылдан бері жүргізіліп келеді. «Жол жөндеуді» деген сүйінші хабарды естіген қызылордалықтар малақайып аспанға атып, алақайға басқан еді. Тіпті кейбірі құманмен қарағаны да жасырын емес. Бүгінде қайта жаңғырту жұмыстары қарқынды жүруде. Жалпы 450 шақырымның 216 шақырымы бізге тиесілі екені мәлім. Осы күні көрші облыс шекарасынан бастап Қызылорда бағытына қарай 90 шақырым тақтайдай тегіс асфальт көлік қозғалысы үшін ашылды. Қазір тек жол таңбаларын сызу мен белгілерін орнату жұмыстары жүріп жатыр.

Үш учаскеде асфальт төсеу жұмысы аяқталды

«Қызылорда-Жезқазған» автожолы бойынша Қызылорда облысы аумағында 192 шақырым жол қайта жаңғыртудан өтуде. Осы жылдың аяғына дейін 140 шақырымында жаңа асфальт қабатымен жол қозғалысын ашатын боламыз. Жоспар бойынша жобаның аяқталу мерзімі Қызылорда облысында 2025 жылы деп белгіленген.

Сонымен қатар жобадан мердігер компаниялар жолды абаттандыру, екі жағын тегістеу жұмыстарын жүргізіп жатыр. Осы

ауқымды жол құрылысына 700-дей адам жұмылдырылып отыр, – деді ҚР Көлік министрлігі автомобиль жолдары комитетінің басқарма басшысы Нұртілек Хасенов.

Жалпы қайта жаңғыртудан өтіп жатқан күре жол 5 учаскеге бөлінген. Қазір соның үшеуінде негізгі жұмыстар аяқталды. Мердігерлердің 4-еуі – қытайлық компания, біреуі – жергілікті «Қыран» ЖШС. Отандық кәсіпорын алғашқылардың бірі болып жұмысын аяқтағанын ерекше атап өткен жөн.

Мұның өзі қазақстандық компаниялардың ауқымды жобаларға қатысып қана қоймай, халықаралық талаптарға сай жол салуға қауқарлы екенін көрсетіп отыр.

3-БЕТТЕ

ТІЛ БІЛІМІНЕ ТЕРЕҢ БОЙЛАҒАН МЕКТЕП



Ақпарат пен технология ғасырында сәт сайын тың технологиялар дүниеге келіп, қолданыс аясы кеңеюде. Мұның барлығы білім мен ғылымға ден қойған елдердің жеткен жетістігі, даму көрсеткіші.

Заман талабына сай ғылымды игеру – бүгінгі күннің басты талабы. Бұл ретте бар жауапкершілік білім беру орындарына артылатыны сөзсіз. Қазіргі таңда елімізде білім беруде уақыт талабына сай инновациялық технологияларды қолдану міндеттелген. Жаңа инновациялық тәсілдер негізінде мектептерге жағдай жасау – білім саласын дамытудың, білім мен ғылымды игеретін ұрпақ тәрбиелеудің негізі болмақ.

А.Байтұрсынов атындағы №211 орта мектебі – білім беру ісінде жаңа бастамаларды жүзеге асырып, білімді, білікті, бәсекеге қабілетті ұрпақ тәрбиелеуді мақсат еткен білім ордасының бірі. Мектептің 35 жылдық тарихы бар. Тәуелсіздік алған алғашқы жылы Алаш қайраткерінің есімі беріліп, бүгінде ұлт ұстазының атына лайық білім беруді жолға қойған десе де болады.

Мыңнан астам шәкірт тәрбиелеп отырған оқу ордасының ғимараты биыл күрделі жөндеуден өткен. Жаңа ғимарат іші жарық, жылы, жайлы. Оқушының білім алуына қажетті құрал-жабдықтармен қамтамасыз етілген.

Оқу кабинеттері, зертханалар заманауи технологиямен жабдықталып, баланың тек теория тұрғысында емес, тәжірибе жасап көріне де қолайлы жағдай жасалған. «Білім берудегі өзгерістің 1000 көшбасшысы» жобасы аясында мектеп басшысы Айжан Әлімова білім ошағының жұмысын жандандырып, сапалы білім беруді арттыруда жас та болса іскерлігін көрсетіп, қолдан келер мүмкіндікті қалт жібермей, жүйелі жүргізіп келеді. Ол алда үлкен жобаларды жүзеге асыруды көздеп отырғанын айтты.

3-БЕТТЕ

Баспасөз-2025

АҒАЙЫН, «АҚМЕШІТ АПТАЛЫҒЫНА» ЖАЗЫЛДЫҢЫЗ БА?

Баспасөзге 2025 жылдың бірінші жартыжылдығына жазылу жүруде. Қапы қалмаңыз, сүйікті газетіңізге жазылуы ұмытпаңыз.

Жекелер үшін 6 айға – 3000 теңге, мекемелер үшін – 4000 теңге. Баспасөзге қатысты сауалдарыңыз болса, мына нөмірлерге хабарласыңыздар: 40-05-81, 70-14-08.

